

مجموعه سنون

اثر

جمعیت علمیہ عثمانیہ

اولیٰ جنبی سندھ

نومرو ۲۷

ربیع الاول

استانبول

جمعیت علمیہ عثمانیہ مطبعہ سندھ طبع اولیٰ صدر

۱۲۸۱

انقلابات کوروش اولدیفتدن مذکور کول انقلابات مزبور دن اقدم
بحر احمر ابله متصل بولوش اولدیفتنی ملو ظدر و مهند سینک
تحقیقات راقعه سنه نظرا اشبو بحر لوط افی دکردن در روز مترو یی
بشیوز ذراع البقی بولمشدر.

(تاریخ ملوک فرس قدیم)

کیروس

یونان مؤرخانریک قولنه کوره کیروس ملوک فرسک برنجیسی اولوب
پدری ایران اصلزاد کاندن و کیانیان سلاله سندن قامیس و والدیسی
مدای (اذر ایمنان و عراق بحجم) شاهی اولان استیاغک کریمدیسی
مانداندو کیروس تاریخ میلاددن بشیوز طقسان طقوز سنه مقدم
قدیمه سادء عالم شهود اولوب صورت تربیت و تعلیمه داتر مورخین
یونان یئنده اختلافات کثیره واردر. نسبتله اصح روایات کورینسان
هرودوت قولنه نظرا سالف الذکر استیاغ خفیدی اران اشبو کیروس
هنوز رحم مادرده ایکن ایلمرده بولک کاللا اسیماسا قطعیه سنی ضبط
و تسخیر ایدجکئی کوردیکی بعضی روایان استدلال ایتیمیه اهلاکئی
تصمیم و ولادتئی متعاقب اعدام اولفق ارزره وکلا و اقرباسندن
معتمدی بولان ارباغ نام کسنده تسلیم ایلدی. مرقوم ارباغ دخی
اشبو طفل معصومک بنفس اراقه خون ناحقه مباشریدن
اجتناب ایلدیکندن بونی مشارالیه استیاغک صغرچوبانی اولان بر

شخصه اعطا ایدوب اتمام کارینی اکا حواله التمش ایسه ده چوبانک
 زوجدسی مرجه پنجه هلاکدن تخلص ایدرک ارضاغ و تربیه سنه
 اهتمام ایلدی. طفل مر قوم ارن یاشنه واصل اولدقده اشبوسر مکوم
 هر نعلاسه میدانه چیتقمغله استیاغ بوندن طولانی فوق الغایه
 منفعل اولوب اولیابده ارباغه مجازات ایتک مقصدیله مر قومک
 اوغلنی بر تقریب خفیا قتل و طبع ایتدیروب پرمقریله باشندن ماعدا
 یرینی خبری اولیه رق پدرینه اکل ایتدیروی بو طریق ایله سالف
 الدکر رؤیا احکامک ساقط اولدیغی کهنه مجوس طرفندن افاده
 اولندیغندن ارتق اولیابده کسب اطمینان ایدرک صبی مر قومی
 ایرانده بولسان والدهسی یاشه کوندردی. بر قاج سنه مر ورنده
 مر قوم ارباغ شوکیفته مطلع اوله رق اولیابده اخذ انتقام قصدیله
 اصحاب نفوذ اولان وکلای دولت و رؤسای ملت ایله بالانفاق استیاغ
 علیه قیام و کیفیت خفیا کبروسه تحریر و اعلام ایتدی. کبروس
 دخی شو فرصتی غنیمت بیله رک جمع ایلدیکی کلن عسکر ایله کلوب
 مدای ممالکنی ضبط و استیغی اخذ و گرفت ایله سراینده حبس
 ایلدی.

اقسنوفون نام مورخک روایتنه کوره کبروس استیاغک
 سراینده کمال دقت و اعتسایله تربیه و تعلیم اولوب استیاغک
 ارغلی کیخسریانینک محاربات واقعه سنه سر عسکر بولتمش ومدت
 مدیده دنبرو مدای حکمدارینک تحت تصرفده بولسان ایران ممالکی
 بالاستقلال میلاددن بشوز التمش سنه مقدم کبروس عهده اداره سنه
 احاله قلمش و مشار الیه توسیع دائره حکومت قیام ایله میلاد دن
 بشوز قرق سکر سنه مقدم ایلدیا (صاروخان) ایالتی حکمداری کریسوسه

غالبه ایدرک زیر حکمنده بولسان ممالکی بوندن این سنه صکره
 بابل شهر بنی ضبط واستیلا ایلدیکی مشهور عصر حکمداری بنی دخی
 ویرکویه ربط ایلشدر. میلاددن بشیوز اوتوزالتی سنه اول سالف
 البیان استیغاک ارغلی کیخسرو ثانی بلا ولد وفات ایلدیکندن
 مدای مملکتی دخی ارثا کندوسنه انتقال ایتش و بوجمله بابل
 واسوریا (عراق عرب و بلاد جزیره) مدای و ایران و اناطولی
 قطع لرینی شامل بر مملکت جسیهیه متصرف ایلشدر. مشارالیه
 کیروس میلاددن بشیوز اوتوز سنه مقدم وفات ایتش ایسه ده زده
 و نوجمله وفات ایلدیکی دخی عند المؤرخین مختلف فیه اولوب
 هرودوتک قولجه بحر خزرک جهت غریبه و شمالیه سنه حکومت
 ایدن بر ملکه ایله بیلرند و وقوع بولان محاربه ده و اقسنوفوتک
 روایتنه نظرا سن شیخوختننده اولاد و انسابی میانشده وفات
 ایلشدر. مدت حکومتی اوتوز و حساب آخر ایله یدی سکر سنه دن
 عبارت بولمشدر.

قامبس (کیباد)

قامبس مشارالیه کیروسک اوغلی اولوب میلاددن بشیوز اوتوز سنه
 مقدم جالس مقام پدر اولدقد. مصر حکمداری بولسان اماسبس
 اولوقته قدر کیروسه اعطا ایلدکدیکی ویرکونک تأدیه سندن
 استنکاف ایدوب دیگر بعضی اسباب دخی بوکا منضم اولدیغده مبنی
 کیباد جلوسنک دردنجی سنه سنه کلی عسکر ایله مصر اوزرینه
 عزیمت و اورایه حین تقربنده مشارالیه اماسبس وفات ایدوب

برینه اوغلی پسمانیتک قعود ایلدیکنی و بو دخی اسباب مدافعه یی
تهیه و ترتیب ایدرک کندوسنک و رودینه منتظر بولندیغنی اختیار
ایتدیکندن اضاعه وقت ایتدیرک طوغریجه کیدوب مصرک برالشام
جانبندن کلیدی مثابه سنده بولنان پلوس (تینه) نام شهری محاصره
ایلدی . شهر مذکورک مستحفظینی عموماً مصر اهلایسی کی کلب
و کدی و دیشی قیون و دیگر بعض حیواناته پرسش ایلدیکندن
قامیس مصرلورک اشبو اعتقادات باطله سندن استفاده ایتک
استیرک شهره حین هجومنده حیوانات مذکوره دن برخیلینسی سپر
مثابه سنده عسکرینک اوکنه سورمش و مستحفظین مذکوره حسب
الدیانه اشبو حیوانات علیه اعمال اسلحه یه جرأت ایده مبدرک جمله
فرار ایدوب بو وجهله شهر مذکورک بالسهوله ایرانلویدینه دوشمشدر .
بعده وقوع بولان بر محاربه ده دخی مصرلور زیاده منہزم و پریشان
اولملار در . قامیس متف شهرینه هجوم ایله اوراسنی دخی ضبط
واستیللا و مصر حکمداری پسمانیتی اخذ و گرفت ایلدی
و خطه مصریه یی کاملاً اورده دست تسخیر ایتدیکدن صکره
لیوبایی ضبط و ژوپتر آمون نام صمنه مخصوص اولان عبادتخانه یی
تخریب ایتک ارزره اولجاسنه الی بیک عسکر سوق ایتش ایسه ده
بونلرو اصل سر منزل مقصود اولقسزین کافه ریک روانه مستغرقاً
هلاک اولوب بریسی بیله عودت ایتماشدر . قامیس موجود معیتی
اولان عساکر ایله حبش طرفه دخی عزیمت ایتش ایسه ده سودان
چوالرینه راصل اولدقده ماکولات و مشروبانک فقدانندن ناشی
عسکرینک اکثری تلف قالانلر دخی دوبالرینی و یکدیگرینی
اکل ایتکه باشلاقلاندن عزیمت مذکوره دن صرف نظر ایدرک

ما یوسا عودته مجبور اړلشدر. قامیس زیاده ظلم وغدار اولوب قتل
 عباد و تخریب بلاد کبی انواع مظالم ارتکاب ایتدیکی مثلاً مملکتک
 قوانین موجوده سنی پامال واهالینک عادات و اعتقادات دینه لرخی
 تزییف و استخفاف ایدوب بالخصوص مصر یونک معبود اتخاذا
 ایتمش اولدقلری آپس نام اوکوزی قتل ایلدی و کندو قرنداشی
 اولان اسمردیسی ایرانه اعزام و عقبنیدن مأمور مخصوص ارسالله
 بغیر حق بیچاره بی اعدام ایلدی و همشیره سی بولسان زوجی
 مجرد برادرینک وفاتندن ناشی اظهار حزن و اسف ایلدیکیچون
 درحال انیدخی دائره هستیدن معدوم ایلدی. مشارالیه
 مصری استیلا ایتدکدن ایکی ایکی بچی و جلوسندن یدی بچق
 سنه مرو رینه قدر اهالی ایران برادری اسمردیسک وفاتندن خبردار
 اولدقلری جهته شکل و سیماجه مقتول مومی الیه زیاده مشابهتی
 بولسان اسمردیس اسمنده بر مجوسی کویا کیروسک مخدومی
 و قامیسک برادری اولدیغنی ادعا و بعض هوادارانک معاونتیه
 قامیسی خلع ایدرک تحت سلطنته جلوس ایتدی و مصرده کیفیت
 اعلان و اراده بولان عسکری دخی کندوسنه بیعته دعوت ایتک
 اوزره ازلطرفه مأمورلر کوندردی. قامیس صورت حاله راقف
 اولدقده مدعی مرقومک حقندن کلمک ایچون علی العجله ایرانه
 عودت ایتک اوزره عسکرینی ترتیب ایدوب اسبیه راکب اولورایکن
 حامل اولدیغنی قلیچک ارجی بیضاغنه صابانه رق بعض مرتبه
 مجروح اولدیغندن بر قاج کون ظرفنده بوندن متأثراً وفات الیش
 و مدت سلطنتی یدی سنه بش ماه متمد اولشدر.

اسمردیس مجوس

بر وجه بالا اسمردیس مجوس سنه میلادیه دن بش بوز بکرمی ابکی
 سنه مقدم مسند نشین حکومت اولد قده مجرد اهلانک کند و حقه ده
 میل و مودت لرخی استیلاب قصد یله اوج سنه مقادیر ویرکو و عسکر لکدن
 معافیت لرخی اعلان ایلدی . مع مافیه دسپسه واقع سنک مکتوم
 قاله جفته بکرده اعتمادی اولیوب بالخصوص کبروسک زمان سلطنتنده
 ظهوره کلان بعض قباحتنه منی قولاقاری قناع اولمش اولدیغندن
 شاید شو علامت دخی مدار تشخیص و اولخ بالده جالس اولدیغی
 تخت شاهی مبدل پلاس ره سایه ا لور خوفیه سرایندن طیارو
 چینه مدیغندن شو کیفیت و کلاسنک اشباهنی دعوت ایتیمه ره رؤسای
 ملتدن برینک قری اولان زوجه سی بدرینک تبلیغی اوزرینه مدعی
 مر قومک قولاقسز اولدیغنی اوینوده ایکن تحقیق ایدرک پدرینه
 خبر و برمی و کبروسک اوغلی اسمردیسی قتل ایدن شخص معتبران
 اهلان دن بولنه رق قاجار سنک امری اوزرینه کندو ایلله بونی اجرا
 ایتمش اولدیغنی افشا ایتسی اوزرینه کیفیت مرتبه شوته و اصل
 اولغله رؤسای ملتدن بدی کشی خفیا بالانففاق مر قومک
 سراینه عزیمتله جبراً او طه سنه کیره رک کندوسنی اعدام و سر
 مقطوعنی بانتهبر کیفیتیه اعلان ایلدیلر . اهالی صورت حاله
 مصلع اولد قده مجوس مر قومک بودرجه کدولرخی اغذاله جسارت
 ایتسندن فوق النقایه منفعل ایلد قه ال کون اخشامه قدر یوللرده
 راست کلمه کلری مجوسیلری اعدام ایلله اخذ انتقام ایلدیلر .
 (بقیه سی صکره) (فاردیس)

از خلفای اوطه ترجمه باب عالی